

Ko te UE te paearu matua hei tono ki te ako ki tētahi Whare Wānanga i Aotearoa. Kei a rātou kei ngā wānanga hoki ā rātou ake paearu mō ngā momo hōtaka nā reira me whai wā hoki koe ki te rangahau i ā rātou kōrero whakamārama.

Kia tutuki i ngā herenga o te Whakauru Whare Wānanga (UE) me mātua whai i te:

- NCEA Taumata 3
- Ngā marau e toru kei te Taumata 3 (neke atu rānei):
  - 14 whiwhinga kei ngā marau kua whakaaetia he marau UE
- Reo Matatini NCEA – 10 whiwhinga kei te Taumata 2 (neke atu rānei):
  - 5 whiwhinga mō te pānui
  - 5 whiwhinga mō te tuhituhi
- Ngā Tohu Tau NCEA – 10 whiwhinga kei te Taumata 1 (neke atu rānei).

Whakapā atu ki ō kaiako, ki te paetukutuku [www.nzqa.govt.nz/ue](http://www.nzqa.govt.nz/ue) rānei, mō ngā whakamārama katoa.

### Ka pēhea te whakamau i aku whiwhinga katoa?

Ka rārangihia nei ō whiwhinga katoa i raro i tō Tau Ākonga ā-Motu (NSN - National Student Number).

E taea e koe te tiro atu ki ō whiwhinga katoa mā te uru ki te paetukutuku, [www.nzqa.govt.nz/login](http://www.nzqa.govt.nz/login), ā, hei te Pipiri ka tuku atu ēnei tohutohu ki tō kura.

### Te tuku whakatau whakamutunga ki ngā Whare Wānanga me ngā Kuratini

Hei te Kohitātea 2019, ka tukuna atu e NZQA ngā whakatau o te Taumata 2, o te Taumata 3, me te Whakauru Whare Wānanga (UE) ki ngā whare wānanga katoa me ētahi o ngā kuratini. He mea akiaki noa i tā rātou pūnaha whakauru ākonga. Me maumahara hoki ki te whai i tā rātou paearu o te whakauru ākonga. Kāti, ki te kore koe e whakaae kia tuku atu ō whakatau ki ngā whare wānanga me ngā kuratini o te motu, me mātua whakamōhio atu ki tō kura.

Ki te hiahia ako koe ki tētahi whare wānanga ki tāwāhi, me whakapā atu koe ki a rātou ake mō ngā whakamārama whakauru ākonga. Kia mōhio mai, ka noho tūmata whānui ō whakatau katoa ki ngā whare wānanga o Ahitereiria. Ki te kore koe e whakaae kia tirohia ai ō whakatau e rātou, me mātua whakamōhio atu ki tō kura.

**Whakapā atu ki tō kura, ki te paetuku nei - [www.nzqa.govt.nz/ncea](http://www.nzqa.govt.nz/ncea) mō ngā whakamahuki katoa**

Kua herea ki te pānui nei te Wātaka Whakamātautau ā-Motu 2018. Tirohia koutou ko ō kaiako mēnā kei te pai te wātaka nei e ai ki ō whakamātautau katoa, ā, kāore he tukituki. Ki te tukituki t/etahi whakamātautau me mātua kōrero ki tō kura ki a NZQA hoki.

**NZQA**

NEW ZEALAND QUALIFICATIONS AUTHORITY  
MANA TOHU MĀTAURANGA O AOTEAROA

QUALIFY FOR THE FUTURE WORLD  
KIA NOHO TAKATŪ KI TŌ ĀMUA AO!

## Te Tiwhikete Mātauranga Ā-Motu (NCEA) Te Hiranga O Aotearoa



**He whakamārama mō ngā ākonga, ngā mātua,  
ngā whānau me ngā kaitiaki - 2018**

## Kia ora

### Me pēhea au e whai i te NCEA, i a Te Hiranga (Karahipi o Aotearoa) rānei?

Hei te marama o Poutūterangi, ka tukuna mai ki a NZQA ngā kōrero whakauru NCEA katoa e tō kura. Koia hoki te wā ka uru mai koe hei ākonga mō NCEA, ā, me mātua whai i ngā ture me ngā tikanga NCEA. Mēnā kei te ako koe i ngā kōhi kei Te Aho o Te Kura Pounamu, kei tētahi Wānanga, kei tētahi Kuratini rānei, me whakamōhio atu ki tō kura kia rārangi tika nei ō whiwhinga katoa i tō tiwhikete 'Ngā Whiwhinga' (ROA - Record Of Achievement).

Whakapā mai ki te paetuku nei mō ngā whakamārama katoa  
[www.nzqa.govt.nz/ncea/ncea-results/](http://www.nzqa.govt.nz/ncea/ncea-results/).

### He aha kē te utu?

#### Ngā utu mō ngā ākonga nō Aotearoa

Te whakauru NCEA	\$76.70 ia ākonga
Te whakauru Te Hiranga	\$30.00 ia marau

#### Ngā utu mō ngā ākonga nō tāwāhi

Te whakauru NCEA	\$383.30 ia ākonga
Te whakauru Te Hiranga	\$102.20 ia marau

### Me pēhea au e whakautu ai?

- Tukuna atu ngā utu katoa ki tō kura. Ka mōhio kē ngā kura ki ngā tikanga katoa o te pūnaha whakautu o NCEA.
- Mā te whakautu i ō utu katoa, ka rārangihia nei ō whiwhinga me ō tohu katoa ki runga i tō tiwhikete 'Ngā Whiwhinga' (ROA).
- Ka tuku atu tō kura i ngā utu katoa ki a NZQA hei te 13 o Mahuru 2018.
- Ki te takaroa tāu whakautu i te kura, me kotahi atu tāu whakautu ki a NZQA. Ki te hipa atu i te rā 3 o Hakihea 2018 – ka tāpirihia e NZQA te \$50.00 hei utu i te tōmuritanga.

### He pūtea tautoko hei whakautu i ngā utu?

Me he ākonga nō Aotearoa koe, he nui tonu ngā pūtea tautoko e taea ai e ō mātua, ō kaitiaki rānei te tonu atu engari me hāngai pū rātou ki te paearu utu e whai nei:

- E whai utu ana i a Work and Income i a StudyLink rānei, ā, ka mau rānei i tētahi kāri 'Ratonga Hapori'
- Ko te nui o te whai utu o te whānau kei raro tonu ana, ā, kei te whānau hoki he kāri 'Ratonga Hapori'
- Tokorua, tokomaha rānei ngā tamariki o te whānau kotahi e whakautu ana i te \$200+ mō te NCEA.

### Me pēhea au e tono atu ai ki ngā pūtea tautoko?

Me whakakāi pepa tonu kia whiwhi ai i tētahi pūtea hei pikau i te taha utu. Kei tō kura kē tēnei pepa tonu, kei te paetuku o NZQA rānei:  
[www.nzqa.govt.nz/financialassistance](http://www.nzqa.govt.nz/financialassistance)

Kāore e āhei ana ngā ākonga nō tāwāhi te tonu pūtea tautoko.

### Me pēhea hoki ngā ākonga hauā e whai āwhina nei i ngā mahi aromatawai?

- Me he tamaiti hauā koe (ā-tinana, ā-hinengaro) ka whai āwhina tonu koe i ngā mahi aromatawai i a koe i te kura.
- Mā tō kura anō koe e tonu āwhina nei engari me mātua mōhio tō kura ki ō tino hiahia i tētahi pūrongo, whakamātautau rānei e whakatau ana i tō hauātanga.
- **Ki te hiahia āwhina koe, me tonu āwhina nei tō kura ki a NZQA, ā, ka kati kē ngā tonu hei te mutunga o te Wāhanga 3, 2018.**

### Ka taea e au te haere ki wāhi kē atu ki te noho whakamātautau ā-waho?

Whakapā noa atu ki tō kura mēnā ka whakaoti āu whakamātautau **katoa** ki wāhi kē atu. Ka waiho mā te kura a NZQA e whakamōhio mai, e whakatau ai. Me tino whai take ki a NZQA e rerekē ai te wāhi whakamātautau.

### Te whai NCEA Taumata 1, 2, 3

#### NCEA Taumata 1

- Me 80 whiwhinga kei te Taumata 1 (neke atu rānei). Me 10 whiwhinga mō te reo matatini, ā, me 10 hoki ngā whiwhinga mō ngā tohu tau.

#### NCEA Taumata 2

- Me 80 whiwhinga - 60 whiwhinga kei te Taumata 2. Me tutuki hoki ngā herenga mō te reo matatini me ngā tohu tau.

#### NCEA Taumata 3

- Me 80 whiwhinga - 60 whiwhinga kei te Taumata 3, 20 whiwhinga i taumata kē atu. Me tutuki hoki ngā herenga mō te reo matatini me ngā tohu tau.

Me he pātai anō āu mō te reo matatini me ngā tohu tau, me korero atu ki tō kura.